

Multitud Grandi ta Presencia Inauguramento di Lago Sport Park

Un multitud, calculá di ta mas cu 3000 persona, a atende inauguramento di Lago Sport Park Diadomingo, Maart 9, i a weita e voetbal elftal Lago bati e elftal ESO 4 pa 2. Despues di e parade door di San Nicolas i e ceremonia impresionante di hisamento di bandera, e muchedumbre a basha door di e poorta grandi di e terreno, yenando no unicamente e tribunen pero tambe e espacionan rond di e terreno di wega rápidamente.

Guiá pa polies ariba motorcycle, cargadonan di bandera, un grupo di mariniers i un banda, e parade cu tawata mas o menos un cuarta parti di un milla largo a sali fo'i e poorta principal di refineria i a pasa door di cayanan cu tawata yen di mirones na cada banda. Equiponan deportivo bistí cu nan uniformnan i cargando banderanan di e varios clubnan a duna e parade un bunita vista yen di color. Un grupo di watchmannan di Lago a carga un enorme bandera *ESSO*, i e bandera Neerlandes tawata destacá prominentemente.

Sombrénan a worde kitá mientras e tri-color Neerlandes tawata worde hisá na entrada di e terreno nobo. Despues un bandera *ESSO* a worde hisá i e Sport Park a worde declará habrí.

Pa motibo di ausencia di Señores G.W. Gordon i L. G. Smith, kendenan no por a bolbe fo'i Venezuela na tempo pa atende e ceremonia aki, Sr. F. S. Campbell, Superintendente General a papia e speech di dedicamento. Sr. Campbell a bisa cu e inauguramento di e sport park ta un evento di gran importancia den historia di Compania ariba Aruba, i cu Compania ta contento i orgulloso di por ofrece facilidatnan pa diversión saludable di su empleadonan.

Honorable Sr. Gezaghebber Wagemaker, kende a tuma palabra despues, usando e idioma Holandes, a desea e empresa nobo aki prosperidad i bon exito, i a bisa cu e ta spera di mira un interes creciente pa otro variedadesnan deportivo ademas di loque te awor generalmente hungá ariba Aruba. Despues cu Sr. Gezaghebber a caba di papia, Cerilio Maduro, un miembro di e Comité di Lago Sport Park a ripití e speech di Sr. Campbell traducí na papiamento.

E wega di voetbal entre e dos elftalan escogí fo'i empleadonan, cual evento a duna fin na e programa, tawata masha interesante. E elftal Lago a hinca e di prome goal pronto despues cu wega a cuminsa, i un rato despues a hinca e di dos. E score final tawata 4 — 2 na favor di Lago.



Shown above are the teams that played the first game at the Lago Sport Park. At top is the Lago team. Front row, left to right, Andrew Sjaw-A-Kiam, Marcelo Maduro, Frans Wever, and Hermangildo Nicolas. Back row, left to right, Vincente Briezen, Ramiro Tromp, Miguel Arends, Martinez Casilie, Juan Maduro, Raymunda Kemp, and Cecil Hopmans. Below, the ESO team. Left to right in front, Lorenzo Winterdaal, Reginaldo Lampe, Porfilio Croes, Raymundo Wellman, and Jose Engelen. Back row, Francisco Lampe, Tiolindo Flanigin, Nicasio LamPe, Jan Lampe, Adrian Wellman, Pedro Madoro, and Alberto Arends.